

პროგრამის განაცხადის ფორმა

პრიორიტეტის დასახელება, რომლის ფარგლებშიც ხორციელდება პროგრამა:

მოსახლეობის სოციალური დაცვა	
-----------------------------	--

პროგრამის კლასიფიკაციის კოდი:

0609

პროგრამის დასახელება:

ეკომიგრანტი ოჯახების საცხოვრებელი უზრუნველყოფა
--

პროგრამის განმახორციელებელი:

აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო

პროგრამის მთლიანი ბიუჯეტი:

დასახელება	სულ	2016 წელი	2017 წელი	2018 წელი	2019 წელი
ა/რ ბიუჯეტის საკუთარი შემოსავლები	12,000,000	3,000,000	3,000,000	3,000,000	3,000,000
სულ ბიუჯეტი:	12,000,000	3,000,000	3,000,000	3,000,000	3,000,000

პროგრამის განხორციელების პერიოდი: 2016–2019 წლები

პროგრამის მიზანი:

ეკომიგრანტი ოჯახების უსაფრთხო საცხოვრებელი უზრუნველყოფა

პროგრამის აღწერა:

აჭარის ავტონომიური რესპუბლიკის ადგილობრივი თვითმმართველი ორგანოების ბოლო 3 წლის მონაცემებით, დაახლოებით 600 -მდე სტიქიის შედეგად დაზარალებულ და გადაადგილებას დაქვემდებარებულ ოჯახს (შემდგომში - ეკომიგრანტი) ესაჭიროება უსაფრთხო საცხოვრისი უზრუნველყოფა. აჭარის ავტონომიური რესპუბლიკის გარემოს დაცვისა და ბუნებრივი რესურსების სამმართველოს დაკვირვებით, სტიქიური კატაკლიზმების გახშირების გამო, აღნიშნული მონაცემები იზრდება. შედეგად ასობით ოჯახს, მძიმე სოციალურ- ეკონომიკური მდგომარეობიდან გამომდინარე, ფინანსურად არ ხელეწიფება უსაფრთხო საცხოვრისის შექმნა და ცხოვრობას განაგრძოს სტიქიური კატასტროფების ზონაში, სადაც მათ სიცოცხლესა და ჯანმრთელობას საფრთხე ემუქრება.

პროგრამის ბენეფიციარებს წარმოადგენენ ეკომიგრანტები, რომლებსაც შუამდგომლობს შესაბამისი თვითმმართველი ერთეულები, როგორც მათ ადმინისტრაციულ ტერიტორიაზე სტიქიის შედეგად დაზარალებულ ოჯახებს და რომლებიც 2010 წლის 1 იანვრის მდგომარეობით რეგისტრირებულნი არიან აჭარის ავტონომიური რესპუბლიკის ტერიტორიაზე. მოსარგებლეთა შერჩევის წესი: ბენეფიციართა შერჩევას უზრუნველყოფს უფლებამოსილი კომისია (შემდგომში - კომისია). კომისიის შემადგენლობა, უფლებამოსილება, ბენეფიციართა შერჩევის წესი და კრიტერიუმები განისაზღვრება აჭარის ავტონომიური რესპუბლიკის მთავრობის სამართლებრივი აქტით (შემდგომში - დადგენილი წესი).

პროგრამაში ჩართვის საფუძველია საცხოვრებელი ფართით უზრუნველყოფის თაობაზე მოქალაქის განაცხადი და შესაბამისი სამსახურის/სპეციალისტების დასკვნა, რომლითაც დასტურდება, რომ ოჯახი ექვემდებარება გადაადგილებას. პროგრამაში ბენეფიციართა ჩართვის თაობაზე გადაწყვეტილებას იღებს კომისია.

პროგრამაში ჩართულნი იქნებიან პრიორიტეტულობის ქულა მინიჭებული ბენეფიციარნი, რომლებიც რეგისტრირებულნი არიან სტიქიური მოვლენების შედეგად დაზარალებული და გადაადგილებას დაქვემდებარებული (ეკომიგრანტების) ოჯახების ერთიანი ელექტრონული მონაცემთა ბაზაში ან აღნიშნულზე ინფორმაცია მატერიალური სახით მოწოდებული იქნება საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს მიერ. დაზარალებულ ოჯახებს, რომელთა განაცხადები დაკმაყოფილდა, ეძლევათ არანაკლებ 1 თვე საცხოვრებელი სახლის შერჩევისათვის. თუ დაზარალებული ოჯახი, ვერ შეარჩევს შესასყიდად სასურველ საცხოვრისს, პრიორიტეტულობის ქულის გათვალისწინებით შეთავაზებას მიიღებს სხვა დაზარალებული ოჯახი. ოჯახს, რომელმაც მისთვის განკუთვნილ ვადაში ვერ ისარგებლა შეთავაზებით, ფართის შესყიდვის მოთხოვნით შეუძლია მიმართოს კომისიას იმ ეტაპზე როცა შეძლებს საცხოვრისის შერჩევას. ამ შემთხვევაში, ვინაიდან დაზარალებულ ოჯახს უკვე მიღებული ჰქონდა შეთავაზება, კომისია შესასყიდად წარმოდგენილი ფართის ექსპერტიზაზე გადაგზავნის თაობაზე იმსჯელებს ურიოდ. ბენეფიციარის მიერ შესასყიდად შერჩეულ საცხოვრებელ სახლს, კომისიის გადაწყვეტილების საფუძველზე უნდა ჩაუტარდეს შესაბამისი ექსპერტიზა შენობა ნაგებობის ტექნიკური მდგომარეობის დადგენისა და საბაზრო ღირებულების დადგენის მიზნით, გარდა იმ შემთხვევისა თუ ბენეფიციარის მიერ წარმოდგენილი ფოტომასალა ცხადყოფს, რომ საცხოვრებელი სახლი დაზიანებულია და საცხოვრებლად უფარგისა. საექსპერტო დასკვნების გათვალისწინებით, უფლებამოსილი კომისია იღებს გადაწყვეტილებას ბენეფიციარის დაკმაყოფილების თაობაზე, თუ შესასყიდად შერჩეული ფართი მდებარეობს საქართველოს ტერიტორიაზე.

კომისია, კერძო საკუთრებაში არსებული საცხოვრებელი ფართის შესყიდვისთვის, აჭარის ავტონომიური რესპუბლიკის რესპუბლიკური ბიუჯეტიდან სამინისტროსათვის ამ მიზნით გამოყოფილი ასიგნებების ფარგლებში, ნასყიდობის ღირებულების მაქსიმალურ ოდენობას ერთ საცხოვრებელ ფართზე განსაზღვრავს საექსპერტო დასკვნით განსაზღვრული საბაზრო ღირებულების შესაბამისად, მაგრამ არაუმეტეს 25 000 (ოცდახუთი ათასი) ლარისა. იმ შემთხვევაში, თუ საცხოვრებელი ფართის გასაყიდი ღირებულება აღემატება პროგრამით განსაზღვრულ თანხას, სურვილისა და შეთანხმების შემთხვევაში, ბენეფიციარი ფართის შეძენის მიზნით თავად ფარავს დარჩენილი სხვაობას. კომისიის გადაწყვეტილების საფუძველზე, სახლების შესყიდვის მსურველთა განაცხადების დაკმაყოფილების თაობაზე გამოიცემა მინისტრის ინდივიდუალური-სამართლებრივი აქტი. კანონმდებლობის შესაბამისად გაფორმებული ხელშეკრულების საფუძველზე, სსიპ - საჯარო რეესტრის ეროვნულ სააგენტოში საცხოვრებელი ფართი რეგისტრირდება დაზარალებული ოჯახის სრულწლოვანი წევრების თანასაკუთრებად. ექსპერტიზის ღირებულება განისაზღვრება მომსახურების მიმწოდებელ მხარესა და სამინისტროს შორის გაფორმებული ხელშეკრულების თანახმად, ფაქტიურად შესრულებული სამუშაოს მოცულობისა და მომსახურების ტარიფების შესაბამისად. ექსპერტიზის ხარჯებს ფარავს სამინისტრო.

ბენეფიციარს უფლება აქვს, კომისიის მიერ განსაზღვრულ ვადაში, განმეორებით წარადგინოს სამინისტროში სხვა საცხოვრებელი ფართი, თუ:

1. ბენეფიციარი ვერ ფარავს ჩატარებული შეფასების შედეგად დადგენილ საბაზრო ღირებულებასა და გამყიდველის მიერ დაწესებულ ფასს შორის არსებულ სხვაობას;
2. დადებულ იქნა უარყოფითი საექსპერტო დასკვნა შერჩეული ფართის ტექნიკურ მდგომარეობაზე;
3. წარმოდგენილი ფოტომასალის საფუძველზე საცხოვრებელი ფართის ექსპერტიზაზე გადაგზავნა ჩაითვალოს არამიზანშეწონილად ზემომითითებულ შემთხვევებში, ბენეფიციარის მიერ შესყიდვის მიზნით მეორე მცდელობაზე წარმოდგენილი ფართის ექსპერტიზის ხარჯებს გაიღებს სამინისტრო. სხვა შემთხვევებში (მაგ.: ბენეფიციარსა და გამყიდველს შორის შეთანხმების გაუქმება და ა.შ.) ექსპერტიზის ხარჯი უნდა გაიღოს ბენეფიციარმა.

პროგრამის განხორციელების ფინანსური გეგმა

დასახელება	სულ	2016 წელი	2017 წელი	2018 წელი	2019 წელი
ეკომიგრანტი ოჯახების განსახლება	11,500,000	2,875,000	2,875,000	2,875,000	2,875,000
შესასყიდი სახლების ექსპერტიზა	500,000	125,000	125,000	125,000	125,000
სულ პროგრამა	12,000,000	3,000,000	3,000,000	3,000,000	3,000,000

წინა წლის შედეგი, მ.შ. გამოწვევები

მიმდინარე წლის შედეგი, მ.შ. გამოწვევები

115 ეკომიგრანტი ოჯახი იქნება საცხოვრებელი უზრუნველყოფილი

საბოლოო მოსალოდნელი შედეგი

ეკომიგრანტები უზრუნველყოფილი არიან უსაფრთხო საცხოვრებელით

პროგრამის საბოლოო ინდიკატორი

ფორმა#2.2

მოსალოდნელი შედეგი	შედეგის ინდიკატორები					გაზომვის ერთეული	მონაცემთა წყარო	პასუხისმგებელი (საბიუჯეტო ორგანიზაცია)	მოგროვების მეთოდი
		2016 წელი	2017 წელი	2018 წელი	2019 წელი				
ეკომიგრანტები უზრუნველყოფილი არიან უსაფრთხო საცხოვრებელით	ბენეფიციართა რაოდენობა (ბრაუმეტეს)	115	115	115	115	ბენეფიციართა რაოდენობა	ადგილობრივი თვითმმართველობის ს ორგანოები	აჭარის ავტონომიური რესპუბლიკის ჯანმრთელობისა და სოციალური დაცვის სამინისტრო	წარმოდგენილი დოკუმენტაციის ანალიზი